

Tia minjisia iyi Pɔlu í kɔa inei Tesalonika ɲa

Pɔlu í ce inei Tesalonika ɲa fɔɔ

¹ Amu Pɔlu do Silasi do Timɔtee, à ce ɲe fɔɔ, inɛ inei igbei Jesu ɲa iyi ì wa Tesalonika, inɛ iyi ì je ti Ilaaɔ Baa nwa do ti Lafɛɛ Jesu Kirisi. ² Ilaaɔ Baaba do Lafɛɛ Jesu Kirisi a mu ɲɛ didɔ do laakai ku sũ.

Ilaaɔ á kiiti inɛ ɲa si ajɔ iyi Kirisi á nyi wa

³ Inɛ inɛ nwa ɲa, í sɪa ka ya maa saabu Ilaaɔ waati kãma fei na iri ɲɛ. I jò ka maa ce beɛbe domi naane ku dasi ɲɛ wa kɔɔsi ntɔ ntɔ, nɔ kubi iyi ì ne inɛ duusɔɔ í la wa kɔɔsii. ⁴ Nɔi í jò à waa tɔɔ fufu na iri ɲɛ si igbei inei Ilaaɔ ɲa na temua ɲɛ do naane ku dasi ɲɛ si ijuukpã do wahala ɲɛ fei.

⁵ Iyi ihɛi wa nyisi kam kam iyi kiitii Ilaaɔ í je dee dee, domi ijuukpã iyi ì ye fei ɲa na irii bommai Ilaaɔi. Nɲui á jò Ilaaɔ ku ka ɲe si inɛ ɲa iyi à to a lɔsi bommaɛu. ⁶ Ntɔi, Ilaaɔ á ce iyi í je dee dee. Inɛ ɲa iyi à waa kpã ɲe iju, á sã ɲɲa ijuukpã. ⁷ Nɔ inɛ iyi ì waa ye ijuukpã ɲau á mu ɲɛ kusimi do awa taka nwa. Iyi be á cei si waati iyi Lafɛɛ Jesu á faata wa hai lele do amaleka ilu gbugbãɛ ɲa. ⁸ Á naai do ina sàsá ku ba ku kpã inɛ ɲa iyi a kù mà Ilaaɔ iju, aɲa iyi a kù waa jirima laabaau jiidai Lafɛɛ nwa Jesu. ⁹ Gbese iyi aa sã ɲɲa nɲui í je nfe ku ce hee do ajɔ fei. Aa fɛɛfe do Lafɛɛ Jesu do si amboe ilu gbugbãɛ ¹⁰ si waati iyi á nyi wa ku je ilu jirima bi inɛ ɲa iyi à je tɛɛ, nɔ inɛ ɲa iyi à dasie naane ɲa fei aa maa cɔɔ do beɛɛ si ajɔ

nɲu. Inɛ taka nɲe aa wa inɔ nɲa nɲa, domi ì dasi sɛɛda iyi à jɛ nɲeu naane nɲa.

¹¹ Na nɲi í ce à waa ce kutɔɔ ajɔ fei na iri nɲe. À waa tɔɔ Aɔ Lafɛɛ nwa ku jò i jɛ kuwɛɛ nɲe dee dee si bei í jɔ inɛ nɲa iyi à gbɔ kukpɛɛ a ce. Nɔ à waa tɔɔ má gbugbãɛ ku jò i ce jiiida iyi ì waa dasi idɔ nɲa nɔ ku jò kookoosui naane ku dasi nɲe ku kɔ. ¹² Bɛɛbei irii Lafɛɛ nwa Jesu á baɔ amboe hai bi tu nɲe, nɔ inɛ mɔ i baɔ amboe hai bi tɛɛ nɲa, do saabui didɔi Ilaaɔ do Lafɛɛ nwa Jesu Kirisi.

2

Woo ce laalo

¹ Inɛ inɛ nwa nɲa, i jò n fɔ ideɪ kubaai Lafɛɛ nwa Jesu Kirisi do kutɔɔɔ nwa do nɲu ajɔ. N̄ wa n tɔɔ nɲe ² i maà jò idɔ nɲe ku dede n̄ya n̄ya bii inɛ gɔ nɲa à ni ajɔi Lafɛɛ í to wa tã. Nɔ i maà jò ku mu nɲe biti bii à ce waliie walakɔ waazɔɛ, walakɔ baa bii à ni awai à kɔɔ bɛɛbɛ. ³ I maà jò inɛ gɔ ku d̄i iju nɲe si ide kãma. Ajɔi Lafɛɛu ku bei ku to wa inɛ nkpɔi á f̄usi naane ku dasie awɔ. Si anyii nɲu, inɛ iyi wa ba Ilaaɔ jau á faata wa, nɲu iyi í jɛ amai nfe ku ce. ⁴ Mbɛɛi Ilaaɔi wa jɛ. Á so arae ku re mii fei, nɔ ku kòsi Ilaaɔ do mii iyi inɛ nɲa à waa tɔɔ fei. Kpasɛi Ilaaɔ mɔm nii á koo ku buba ku maa kpe arae Ilaaɔ.

⁵ I kù ye gigi iyi n̄ s̄ɔ nɲe ideu ih̄ɛ tã waati iyi n̄ wa bi tu nɲe? ⁶ Amma titã ngɔgɔ wa ganjɛe ku naa nsei, ì nɔ ì mà s̄aa s̄aa mii iyi í jɛ nɲa. Si bɛɛbɛ, kaa naa bii kù jɛ waatiɛ í to. ⁷ Ntɔ ntɔ laalo wa ce tã si asii, amma í gbe inɛ iyi wa ganjɛu ku nè ku bei ku fita gbugbãa. ⁸ Si anyii nɲu, inɛ iyi wa ba Ilaaɔ jau á faata wa nɔ amboei kunaai Lafɛɛ Jesu ku kpa iriɛ. Jesuu, nɲui

á kpaa do fufui gelee. ⁹ Ine iyi wa ba Ilaaã jau á naai do gbugbãi Seetam, nɔ ku ce maamaake dimi ikã ikã fei do dobu dobu ηa ku diò ijui ine ηa. ¹⁰ Á nɔ ku ce laalo dimi ikã ikã baa yooma fei ku diò ijui ine ηa iyi à waa bɔ nfe ku ce. Aa ce nfe domi a kù ne kubii ntɔu iyi á faaba ηa. ¹¹ Nɔi í jò Ilaaã á samba banlala nla nla wa si ηa ku ba a ya dasi ibo naane. ¹² Beɛbe moi ine ηa iyi a kù dasi ntɔ naane, nɔ à waa ce laalo do inɔ didɔ, aa so taale dei.

À cica ηei i baò faaba ηa

¹³ Ine ine nwa ηa, ine iyi Lafɛɛ í bi, à ne ka ya maa saabu Ilaaã waati kãma fei na iri nηe, domi Ilaaã í cica ηe hai sintee i baò faaba ηa do gbugbãi Hundee, do naane nηe iyi ì ne si ntɔu ηa. Hundee nηui í jò ì je ine kumá ηa. ¹⁴ Mii iyi Ilaaã wa le mbe waati iyi í kpe ηe do laabaau jiidau iyi à sisi nηe, ku ba i ne ikpɛ si amboei Lafɛɛ nwa Jesu Kirisi. ¹⁵ Na nηu, ine ine nwa ηa, i leekɪ dim dim i mu ide ηa iyi à kɔ ηa si geleeò gelee walakɔ si tia nwau.

¹⁶ Nɔ Ilaaã Baa nwa, nηu iyi í bi wa, nɔ do saabui didɔe í mu nwa gbugbã iyi kù ne kɔɔ do kpãa ku cɔ jiiida, nηu do Lafɛɛ nwa Jesu Kirisi takae ¹⁷ a mua ido nηe gbugbã, nɔ a jò i leekɪ si dim dim i ceò ice jiiida do ide jiiida fei ηa.

3

Pɔlu í ni a cea aηa kutɔ

¹ Iyi í gbe, ine ine nwa ηa, i ce nwa kutɔ ηa ku ba idei Lafɛɛu ku fangaa gbãa gbãa nɔ ine ηa a mà beereɛɛ, si bei i ce si anini nηe. ² I ce kutɔ ηa ku ba Ilaaã ku nya wa hai si awɔi amanɛ laalo hai ne iri ηau, domi kù je ine feii wa dasi ideu naane.

³ Amma Lafɛɛ ilu naaneɪ. Á mu nɲe gbugbã nɔ ku degbe ɲe na irii Seetam, ine laalɔu. ⁴ Lafɛɛ í jò à dasi ɲe naaneɪ. À mà iyi mii iyi à jile nɲeu ì waa coo ɲa, nɔ beɛbeɪ aa ce i maa koo ɲa.

⁵ Nɔ Lafɛɛ ku jò kubii Ilaaɗ ku kɔɔsi si idɔ nɲe do temua iyi Kirisi takae wa mu nwa.

Í sɪa amanɛ ku ce icɛ

⁶ Inɛ ine nwa ɲa, à waa tɔɔ ɲe do irii Lafɛɛ nwa Jesu Kirisi, i jìɔ kpaasi woo dasi Jesu naaneɪ baa yooma fei iyi à jɛ ilu ika ɲa nɔ a kù waa too si kukɔsi iyi à na ɲeu. ⁷ Inɛ taka nɲe ì mà ɲa iyi í sɪa i sɪsɪ daa nwa ɲa. Í sɪa i sɪsɪ daa nwa ɲa domi a kù jɛ kuwɛɛ nwa si anini nɲe do ika. ⁸ A kù jò ine gɔ ku wo wa nfe nfe hai sã fia, amma à ya ka maa ce icɛi ntɔ ntɔ alɛɔ daakɔ hee ka gbɛɛji ku ba ka maà jɛ asoi ine gɔ. ⁹ Kù jɛ a ni a kù nɛ kpãae, amma à bi awa taka nwa ka nyisi ɲe yaase jiida iyi inɛ mɔ aa yɔkɔ i sɪsɪ, ¹⁰ domi baa waati iyi à wa bi tu ɲe à sɔ ɲe à ni, ine iyi kù bi icɛ ku ce, kù nɛ a jò lafɛɛ ku jɛ.

¹¹ Wee à gbɔ iyi ine gɔ nɲe ɲa ilu ika ɲai iyi a kù waa ce ngɔgɔ í gbe wɔbia ku gũ. ¹² À waa sɔ amanɛ dimi beɛbeɪ ɲa a tɔɔ ɲa suuru na irii Lafɛɛ Jesu Kirisi, a ya ce icɛ ku ba a wo ara ɲa.

¹³ Amma inɛ ine nwa ɲa, i maà ya gbɛɛji do jiida ku ce. ¹⁴ Inɛ iyi í kɔ ku gbɔ ide iyi à kɔ si tiau ihɛ i laakae ɲa nɔ i maà jò ngɔgɔ ku kosi ɲe do nɲu, ku ba anyɔ ku muu. ¹⁵ Amma do nɲu fei i maà ti i dooae beɪ mbɛɛ, amma i nyisie kpãa bei ine nɲe.

Fɔɔi ankãanyi

¹⁶ Nɔ Lafɛɛ, nɛɛu iyi í je icui laakai ku sũ, ku mu nɛɛ laakai ku sũ waati kãma fei si mii iyi í ba nɛɛ fei. Lafɛɛ kú wɛɛ do inɛ fei.

¹⁷ Amui Pɔlu, ñ ce nɛɛ fɔɔ. Fɔɔu ihɛ, do awɔi amu takam nii ñ kɔɔð. Nɛɛu iyi í je sɛɛdam si tiam nɛɛ fei. Kukɔm nii mbe.

¹⁸ Nɔ didɔi Lafɛɛ nwa Jesu Kirisi kú wɛɛ do inɛ fei.

Akabuu Titõi Idei Ilaa **Monkole New Testament**

copyright © 2006 SIM International

Language: Monkole (Mokole)

Translation by: SIM International

Monkole, Akabuu Titõi Idei Ilaa

This translation, published by the UEEB/SIM au Benin, was published in 2006.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

PDF generated using Haiola and XeLaTeX on 11 Nov 2022 from source files dated 29 Jan 2022

596bf1bc-1348-53da-8787-98c1d2a18282